

**EVANGE=||LIA || QVAE CONSVETO || MORE DOMINICIS ET ||
alijs Festis diebus in Eccle-||sia leguntur**

Aemilius, Georg

COLONIAE, 1555

De Lotione Pedvm. Evangelivm Ioannis XIII.

[urn:nbn:de:hbz:466:1-69317](https://nbn-resolving.de/urn:nbn:de:hbz:466:1-69317)

DOMINICALIA.

Hunc omnes cibum sacri gustate liquoris:
Iste calix nostri monumentum & pignus amoris,
Quem damus, est uerè nostro de sanguine plenus:
Qui modò fundetur precium pro crimine uestro.
Hunc igitur quies bibitis, memorate fideli
Ore meam mortem, uestraq; piamina culpa,
Nostraq; concordi studio benefacta referte.

DE LOTIONE PEDVM.

EVANGELIVM IOANNIS XIII.

ARGUMENTVM.

Dat pedibus lymphas sociorum Christus, & illis
Exemplum statuens precepit ista sequi.

Paschatis ante diem cùm cognouisset Iesu
Tempus adesse suum, mundi quò sede relicta
Ad patris æterni cælestia regna rediret,
Omnia præmeditans uoluebat pectore secum,
Sicut & antè suos uero dilexit amore,
Quos sibi de mundi populo selegerat omni,
Illos ad finem quoq; sic constanter amauit.
Ergo ubi Paschalis iam fercula sumpserat Agnì
Ipse suis cum Discipulis & cœna peracta,
Mox animo Satanas scelerati immissus iude
Subiecit stimulos, insontem prodere Christum.
Nescius istorum nec erat Saluator Iesu,

E 2 Norat

EVANGELIA

Norat enim à summo sibi subdita cuncta parente,
Et uelut in mundum quondam uenisset ab illo,
Sic iterum è mundo redditurum sciebat ad ipsum.
Quare surrexit mensa, uestesq; reiecit,
Illaq; astringens mundo perizomate cinxit.
Protinus in peluum latices infudit aquarum,
Discipulisq; lauare pedes ex ordine coepit,
Exiccans lotas puro perizomate plantas.
Talia dum peragit Dominus ceu sorte minister
Peruenit ad Petrum, qui uoce manuq; repugnat
Talibus incepit uerbis: Venerande Magister
Immundos mihi tu' ne pedes à forde lauares?
Abfit ut hoc tantum cupiam permettere crimen.
Hæc ubi fatus erat, contrà respondet Iesus:
Nunc ego quæ facio, tu non intelligis: olim
Petre, sed hæc melius renouata mente uidebis,
Non ergo impediás, sed te permitte lauari.
Ille refert contrà: nunquam mihi Christe lauabis
Tute pedes, nec me tali dignabor honore,
Qui tibi sum potius seruire ad cuncta paratu:
Discipulo non est fas inseruire Magistrum.
Inquit ad hæc Dominus: Si te non Petre lauabo
Nulla tibi mecum Regni pars esse ualebit.
His monitis tandem consensit Petrus, & inquit:

D1



DOMINICALIA.

Daueniam dictis, miseroq; ignosce, Magister,
Erravi fateor, monitus meliora tenebo.
Tu mihi non tantum pedis inferiora lauabis,
Sed quoq; Christe manus, si uis, capitisq; capillos,
Vtraq; nam fœda, ceu pes, quoq; forde laborant:
Sic ego mundus ero, partemq; elotui in omnem.
Christus ad hæc rursum: Reliquo qui corpore lotus,
Non opus est illi solas nisi tergere plantas,
Cætera quod mundus macula sit purus ab omni.
Vos quoq; nunc estis mundi, non quamlibet omnes.
Ista loquebatur, quoniam qui traditor esset
Ipsius, arcana noscebat mente, futurus:
Propterea mundos, sed non tamen addidit omnes.
Iamq; pedes socijs ex ordine lauerat omnes,
Munere perfecto sua uestimenta recepit,
Accumbensq; iterum mensæ sic dixit Iesus:
Quid sibi nostra uelint, socij, num facta tenetis?
Quidq; pedum scitis uestrorum lotio signet?
Dicam si cupitis, uobisq; ignota resoluam,
Discipuli Dominum me dicitis atq; Magistrum,
Nec male, sum quoniam uerè, semperq; manebo.
Ait ego si uester Dominus, summusq; Magister
Talia me placido demittens pectore feci,
Nec me pœnituit uestras abstergere plantas,

E 3

Vos

EVANGELIA

Vos quoq; conuenit hæc imitari facta sequenda,
Ut plantas alijs alij, mea turbas, lauetis:
Nec uos tam uilem pudeat sumpfisse laborem,
Quem Dominus uester tulit & præceptor Iesu:
Exemplum uobis præbent mea facta sequendum,
Sicut ego feci, sic uos faciatis & ipsi:
Non etenim seruus Dominum præcellere debet,
Nec mittente suo maior, qui missus, habetur:
Discipulosq; exempla decet seruare Magistri,
Sic meritò summam poterunt contingere laudem.

F I N I S.

PERORATIO.

Prima mihi sacri pars est exhausta laboris.
Cuius in Aduentu caput est, in Paschate finit.
Altera nunc simili studio perfecti sequetur,
Quæ Ver, Aestatem simul, Autumnumq; peragit.
Tu modò fac nostras tibi Christi placere Camæthi,
Quæ laudi seruire tuæ super omnia debent.
Munera nam tua sunt: tu des in carmina uires,
Et mihi uerus ades uenæ largitor Apollo.
Sic tua per nostros crescent præconia uersus,
Hic mihi finis erit solus, nec plura requiram.

SE